

ԴԱՏ 1.12. Արևմտյան Եվրոպա: Տնտեսությունը

• • •

Արևմտյան Եվրոպայի երկրներն **արդյունաբերության** զարգացման բնառնությունը տարբեր հնարավորություններ ունեն: Մեծ է հատկապես գիտատար, աշխատատար ձյուղերի դերը: Արդյունաբերությունը բազմաձյուղ է և գտնվում է տասնյակ հզոր վերագրային մոնոպոլիաների ձեռքում: **Ինչ հայտնի մոնոպոլիաներ գիտեք:**

• • •

Քիմիական արդյունաբերությունը զարգանում է տեղական և ներմուծվող հումքի ինչպես նաև այլ ձյուղերի թափոնների օգտագործման վրա: Տեսականին լայն է՝ պլաստմասսա, սինթետիկ կաուչուկ, քիմիական մանրաթելեր, հանքային պարարտանյութեր: Շատ մեծ է նուրբ քիմիայի դերը՝ օծանելիքի և դեղորայքի արտադրությունը: Լիխտենշտեյնը մասնագիտանում է արհեստական ատամների (պրոթեզներ) արտադրությամբ:

• • •

Արևմտյան Եվրոպայի երկրները մեծ հաջողությունների են հասել **ծառայությունների ոլորտում**: Այստեղ գործնականում զարգացած են նրա բոլոր ձյուղերն ու ենթաձյուղերը՝ կոմունալ-կենցաղային, տրանսպորտային, լոգիստիկ, կապի, ապահովագրական, բժշկական, գիտակրթական, ֆինանսական և բազում այլ ծառայություններ:

Շվեյցարիայում, Ֆրանսիայում, Գերմանիայում գործում են համաշխարհային նշանակության բազմաթիվ դրամատներ (բանկեր): Միայն Նիդեռլանդների արտաքին առևտրի շրջանառությունը ավելի մեծ է, քան ամբողջ ԱՖրիկա աշխարհամասինը (չհաշված ՀԱՀ-ն), իսկ Շվեյցարիայինը՝ քան Բրազիլիայինն ու Արգենտինայինը միասին վերցրած:

• • •

Արևմտյան Եվրոպայի երկրներն ունեն զարգացած **սև և գունավոր մե-
դադաձուլություն**: Առաջատարներն են Գերմանիան, Ֆրանսիան, Բելգիան,
Լյուքսեմբուրգը: Վերջինս աշխարհում առաջին տեղն է գրավում բնակչության
մեկ շնչին բաժին ընկնող պողպատի (12 տ) արտադրությամբ: Բոլոր երկրների
(բացի Լյուքսեմբուրգից) արդյունաբերության մեջ առաջատարը բազմաձյուղ
և բարձր տեխնոլոգիաների վրա հիմնված, հիմնականում գիտատար **մեքե-
նաշինությունն** է, որի արտադրանքի 50-70%-ն արտահանվում է:

• • •

Գյուղատնտեսությունն առանձնանում է զարգացման շատ բարձր մա-
կարդակով և բարդ ձյուղային կառուցվածքով: Նրան բնորոշ են մեքենա-
յացման, քիմիացման, մշակաբույսերի բերքատվության և անասունների
մթերատվության շատ բարձր ցուցանիշները: Կարելի է ասել, որ գյուղատն-
տեսական արտադրության ինտենսիվացմամբ տարածաշրջանը հավասարը
չունի, հարկ է հիշել, որ ձյուղում զբաղված է տնտեսապես ակտիվ բնակ-
չության ընդամենը 2-3%-ը: **Անասնապահությունը** մատակարարում է գյու-
ղատնտեսության համախառն արտադրանքի 3/4-ը:

• • •

Տրանսպորտը: Արևմտյան Եվրոպան ունի տրանսպորտային ուղիների
հագեցած ցանց: Այստեղ գործնականում զարգացած են տրանսպորտի բո-
լոր տեսակները, որոնք ոչ միայն ապահովում են բեռնա և ուղևորափոխադ-
րումներն այդ երկրների ներսում, այլև տարանցիկ դեր են կատարում այլ
երկրների համար:

• • •

Բուսաբուծությունը ոչ միայն բավարարում է սեփական պարենային
պահանջարկը, այլև «աշխատում է» անասնապահության համար: Այսինքն
հսկայական ցանքատարածություններ զբաղեցնում են կերային մշակաբույ-
սերը: Ճյուղում առաջատարը ցորենի, գարու, տարեկանի, շաքարի ձակնդեղի,
վուշի, կարտոֆիլի մշակությունն է: